

საქართველოს მთავრობის

დადგენილება №249

2015 წლის 4 ივნისი

ქ.თბილისი

„მასწავლებლის საქმიანობის დაწყების, პროფესიული განვითარებისა და კარიერული წინსვლის სქემის დამტკიცების შესახებ“ საქართველოს მთავრობის 2015 წლის 20 თებერვლის №68 დადგენილებაში ცვლილების შეტანის შესახებ

მუხლი 1

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, „მასწავლებლის საქმიანობის დაწყების, პროფესიული განვითარებისა და კარიერული წინსვლის სქემის დამტკიცების შესახებ“ საქართველოს მთავრობის 2015 წლის 20 თებერვლის №68 დადგენილებაში (www.matsne.gov.ge, 23/02/2015, 430050000.10.003.018453) შეტანილ იქნეს ცვლილება და დადგენილების პირველი მუხლით დამტკიცებული, „მასწავლებლის საქმიანობის დაწყების, პროფესიული განვითარებისა და კარიერული წინსვლის სქემის“ V თავის - „მასწავლებლის სტატუსების მისანიჭებლად აუცილებელი გზებისა და საშუალებების“ ქვეთავის - „უფროსი მასწავლებლის სტატუსის მინიჭების“ ნაწილის საგნის გამოცდის ჩატარებასთან დაკავშირებული შეფასებისა და გამოცდების ეროვნული ცენტრის ვალდებულების ნაწილი ჩამოყალიბდეს შემდეგი რედაქციით:
„შეფასებისა და გამოცდების ეროვნული ცენტრი:

ა) ინფორმაციულ-საკომუნიკაციო ტექნოლოგიების მასწავლებლებისთვის საგნის გამოცდის ჩატარებას უზრუნველყოფს 2015 წლის განმავლობაში;

ბ) არაქართულენოვანი ზოგადსაგანმანათლებლო დაწესებულებების/სექტორების მასწავლებლებისათვის უცხოური ენისა და ქართულის, როგორც მეორე ენის გამოცდის ჩატარებას უზრუნველყოფს 2015 წლის განმავლობაში;

გ) მუსიკისა და სპორტის (ფიზიკური აღზრდის), ასევე, არაქართულენოვანი სექტორის მასწავლებლებისთვის (გარდა „ბ“ ქვეპუნქტით გათვალისწინებული მასწავლებლებისა) საგნის გამოცდის ჩატარებას უზრუნველყოფს 2016 წლის განმავლობაში.“.

მუხლი 2

დადგენილება ამოქმედდეს გამოქვეყნებისთანავე.

პრემიერ-მინისტრი

ირაკლი ღარიბაშვილი

